



## Sommaire des differents procez.

Entre Messire Claude Moulnorry, Conseiller du Roy en ses Conseils, Maistre des Requestes ordinaire de son Hostel, Abbé de Galliac, & Prieur, Seigneur du Prieuré saint Estienne de Neuers, Dom Antoine Robert, sous-Prieur & Sacristain audit Prieuré, d'une-part.

Et Dom Albert Belin, soy disant Religieux de l'Observance de Cluny, sous-Prieur & Sacristain dudit saint Estienne de Neuers, Dom Alphonce Belin, soy disant Visiteur de ladite Observance, & sous-Prieur de la Charité, & Dom Theophile Guillot, Procureur general dudit Ordre de Cluny, d'autre; pendans au Conseil Privé du Roy, grand Conseil, Parlement de Paris, & Chambre des Comptes; Ensemble,

*Les moyens d'opposition, à la Verification des Lettres de naturalité, obtenues par lesdits Dom Albert & Dom Alphonce Belins.*

**P**Ar concordat passé le dixième Juin 1648. entre lesdies sieur Abbé de Galliac, en ladite qualité de Prieur dudit S. Estienne de Neuers, & les susdits Belins, Dom Odile de Busiere, sous-Prieur de Crespy, Dom Philippes Dei, Procureur de l'Ordre de Cluny, comme Deputez de leur Chapitre general, furent terminez tous les procez & differents que ledit Dom Philippes avoit intentez au grand Conseil, contre ledit sieur Abbé, nouveau titulaire dudit Prieuré, pour raison des pretendues ruines, démolitions des Cloistres & Chapelles, vsurpations de lieux claustraux, partages tant des reuenus, que maison prieurale & autres contestations pendantes entre les susdites parties; & par iceluy apres que les susdits Religieux & Deputez dudit Ordre eurent reconnu la verité des procez verbaux faits, tant d'autorité du grand Conseil, que des Juges ordinaires, & que le feu & l'antiquité de la Maison en avoient causé les ruines long-temps avant son tiltre: Le sieur Abbé en consideration de leur Ordre & de sa patrie, non seulement abandonne tous ses reuenus pour restablir ledit Monastere; mais encoré se charge de faire des bastimens pour lesdits Religieux, & par ce

2

moyen leur donne plus de quinze ou vingt mil liures de son bien: Ce qui fut trouué si auantageux pour l'Ordre, que leur Chapitre de l'an 1649. ratifiant ce traité, remerciaient le sieur Abbé du zele & de la bonté qu'il auoit eu pour leur Maison, par leur Lettre du trente-vnième May suiuant.

Ce traité contient encores vne autre clause, que attendu le peu de reuenu dudit Prieuré saint Estienne de Neuers, qui n'a iamais esté affermé plus de hui& ou neuf cens escus, consistant en terres & seigneuries presque toutes alienées: Le sieur Prieur donnera les choses contenues audit traité, pour l'entretien de deux Religieux qui diront les Messes portées par les fondations, & ce durant le temps de dix années, que lesdits bastimens seront parachéuez, apres lesquelles sera procedé au partage des reuenus, suiuant les Arrests dudit grand Conseil.

Ces deux Religieux estoient Dom Albert Belin, & Dom Sebastien du Chastel, qui vouloient estre permanents audit Prieuré, & secouier le ioug de l'Obseruance de Cluny, lesquels pour cét effet, practiquent tous les artifices possibles, tant enuers le sieur Abbé, que leurs Supérieurs, pour continuer leurs vies pleine de scandale, qui a depuis parû au public; En telle sorte, que le premier iour de Ianuier dernier, les greniers du Monastere où estoient les bleds dudit sieur Abbé, ayant esté enfoncez, les cadénats & serrures forcées & ouuertes, quantité de bleds & autres meubles furent emportez, dont sur la plainte il en fut dressé procez verbal, informé & publié monitoires; & comme les Iuges & Officiers des lieux eurent resolu de faire perquisition desdites choses: Ledit Albert Belin en eut aduis, qui s'éuadé le hui&ième dudit mois de Ianuier, & se retira vers ledit Alphonce son cousin, sous-Prieur de la Charité, & le mesme iour fit donner deux assignations audit sieur Abbé, en vertu des Lettres patentes attribuées pour la conseruation des droicts de l'Ordre de Cluny au grand Conseil. l'vne en reparation des injures qu'ils supposent que ledit sieur Abbé a dit ausdits Albert Belin & Sebastien du Chastel; & l'autre sous le nom du Procureur general de l'Ordre de Cluny, à ce que le sieur Abbé fut condamné à restablir les mesmes ruïnes, démolitions, dégradations de Cloistres & Chapelles, dont est fait mention au susdit concordat.

Cependant les susdits Officiers procedent à la perquisition des choses qui auoient esté prises au sieur Prieur, & continuent dans les chambres du Dortoir dudit saint Estienne, en présence dudit du Chastel, qui restoit seul audit Prieuré, lequel apres le reffus fait d'ouurer sa chambre; enfin il s'y resolut, & se trouua saisi d'armes à feu, fuzil, poudre & plomb, marteaux, cizeaux, limes, eschelles, avec lesquelles on pouuoit croire les susdites portes auoir esté enfoncées; Et comme l'ouuerture de sa chambre donna lieu aux Officiers d'entrer en celle d'Albert, qui estoit proche, en présence dudit du Chastel,



on y trouua deux grands manequins d'ozier pleins de cinquante ou  
 soixante alambics, matras, cornuës, lutées & non lutées, salpestre, vi-  
 triol, antimoine, creuzets, & autres choses contenuës esdits procez  
 verbaux; mais comme on auoit transporté de ladite chambre le li-  
 dudit Albert. Ledit du Chastel sur ce enquis où il estoit, respondit  
 qu'on l'auoit transferé au haut de la tour du grand escalier, au dépar-  
 tement du sieur Abbé, où les Officiers estant allez avec ledit du Cha-  
 stel, trouuerent sous la cheminée d'icelle vn grand fourneau de bri-  
 que, avec vn cendrier, & dans vn Oratoire, vne grande boëte de vi-  
 triol, deux Liures, l'vn estoit les œuures de *Galer*, & l'autre in-  
 titulé la *pyrotechnie*, quantité de bouteilles, les vnes vuides, les au-  
 tres pleines des eauës fortes, & autres choses contenuës es procez  
 verbaux: De ce dessus, le Substitut de Monsieur le Procureur  
 General en ayant eu aduis, il se seroit transporté audit Mona-  
 stere avec vn Commissaire, pour faire description des choses sus-  
 dites, propres à affiner metaux, lesquels en dressent leurs pro-  
 cez verbaux les dix & douziésme dudit mois, ensemble des pa-  
 piers & lettres trouuées en la Chambre dudit Albert, concernant  
 la vente de lingots ou debit de quelque monnoye, ou autres choses  
 semblables, lesquelles donnerent lieu au Commissaire d'ordonner  
 qu'il en seroit informé & publié monitoires, qui furent obtenuës  
 d'autorité de l'Official de Neuers, & d'abord ledit du Chastel au nom  
 d'Albert fait vn acte de declaration d'appel, comme d'abus, qu'Al-  
 bert releue au grand Conseil: Le sieur Abbé prenant la cause pour ses  
 Officiers, l'anticipe au Parlement; cependant Albert & Alphonse  
 Belins, qui eurent aussi tost aduis qu'on auoit descouuert les four-  
 neaux, salpestres, lettres & correspondances, s'aduiferent: sçauoir  
 Alphonse, pretendu Visiteur, de donner Ordonnance contre le sieur  
 Abbé, portant que Guillot, Procureur general de l'ordre de Cluny,  
 prendroit le faict & cause pour sondit cousin, & se pourueroit,  
 pour arrester les violences qu'il pretend auoir esté exercées: Aussi-  
 tost Guillot suscité par Albert & Alphonse Belins, presente sa Re-  
 quête audit grand Conseil, pleine d'infamie, d'outrage & supposi-  
 tion contre le sieur Abbé, bien-facteur d'Albert, qui l'auoit honoré  
 du tiltre de sous-Prieur & Sacristain, vacquant, par l'abandonne-  
 ment qu'en auoit fait Dom Colomban Pilon, Religieux de la Con-  
 gregation de saint Maur, & sur l'exposé que le sieur Abbé auoit  
 ruiné les lieux claustraux, demoly des Chapelles, profané des Au-  
 tels, brulé les Images des Saints, volé & chassé les susdits Religieux,  
 Guillot obtient Arrest audit grand Conseil le vingt-quatriésme Jan-  
 uier 1630. portant qu'il en seroit informé, & supposant qu'il n'y auoit  
 aucun Religieux audit Monastere, que lesdits Belin & du Chastel  
 seroient reestablis, pour l'exécution de cet Arrest, & informer con-  
 tre ledit sieur Abbé, qui a l'honneur d'estre du Corps du Parlement.  
 Albert enuoye vn Officier du Presdial de saint Pierre le Monstier

4

son confident, le dix-neufiesme de Fevrier, audit saint Estienne; lequel apres auoir veu les suppositions y contenuës, & partie dudit Monastere restably par les soins du sieur Abbé, suiuant son concordat. La verité du contenuës procez verbaux & la vie scandaleuse desdits Albert & du Chastel, (quoy qu'intime amy dudit Albert,) & reconnu son incompetance & legitimes empeschemens, se desista de l'exécution de cét Arrest, qui faisoit reuiure vn procez terminé par le susdit concordat, ratifié par les Peres de Cluny.

Nonobstant tout cela, Albert cherche les moyens de retourner à S. Estienne, pour faire perdre les preuues de sa vie & mœurs, ensemble de ses fourneaux salpestrez & alambics, il apprend que Dom Antoine Robert, Religieux originaire, François & sujet du Roy, a obtenu en Cour de Rome la Sacristie dudit S. Estienne; benefice valant en reuenu enuiron quatre-vingts liures, qu'il estoit en bonne possession, & qu'il y a trois Prestres seruans actuellement audit Monastere: sçauoir deux Religieux & vn Docteur en Theologie, avec la satisfaction toute publique, quoy que le sieur Prieur ne soit obligé par son concordat d'en entretenir que deux; Il forme instance de maintenuë en ladite Sacristie audit grand Conseil contre ledit Dom Robert, en vertu des susdites Lettres Patentes, & fait aussi assigner le sieur Abbé, à ce qu'il fust condamné ou la Dame sa mere à luy payer la terre dans laquelle le feu sieur Moulnorry son pere fust inhumé, au commencement de Iuillet 1649.

Albert & du Chastel font aussi saisir tous les reuenus dudit Prieuré, quoy qu'il ne leur appartienne aucune chose, puis que leur portion estoit le reuenu du petit Couuent dont ils ont iouy, & les reserves portées par ledit concordat, desquelles iouyssent à present les Religieux seruans audit Prieuré.

Et comme les susdites instances sont des despendances des appellations, comme d'abus, releuées par ledit Belin, qui ne peuvent estre traitées qu'au Parlement. Le sieur Abbé prenant le faict & cause pour ledit Dom Robert, a présenté sa Requête au Conseil Priué du Roy en Reglement de Iuges, & cassation de l'Arrest dudit grand Conseil, & à ce que toutes les susdites instances soient renuoyées audit Parlement: sur laquelle Arrest seroit interuenu le dix-huictiesme Mars dernier, significé audit Dom Albert, Guillot & autres, avec assignation à eux donnée audit Conseil.

Pendant les susdites instances de Reglement de Iuges & des appellations comme d'abus au Parlement, lesdits Belins s'aduissent que s'ils ne sont Officiers dans l'ordre de Cluny, ils ne se peuvent maintenir dans leur libertinage: Albert pretend y estre disfiniteur, comme il a esté; Alphonse continué visiteur contre tous ceux qui pretendroient y apporter quelque contradiction: mais ils ont reconnu en eux le deffaut de leur naissance, qu'ils sont sujets du Roy d'Espagne, incapables en France d'administration & du gouuernement des mai-



sons de leur Ordre, surprennent des lettres de naturalité, dattées à Dijon au mois d'Avril 1650. les presentent à la Chambre des Comptes pour l'enregistrement, avec les qualitez de Visiteur de l'ordre de Cluny & de sous Prieurs es maisons de la Charité & de S. Estienne de Nevers.

Oppositions formées à la Chambre des Comptes & au Parlement de Paris, de la part dudit sieur Abbé, en ladite qualité de Prieur de saint Estienne de Nevers dudit Ordre de Cluny, & de Dom Antoine Robert, sous Prieur & Sacristain audit Prieuré.

### *Les Moyens d'opposition, sont.*

*Primò*, Que les Estrangers ne peuvent posseder aucun Office ny Benefice en France, ny moins avoir l'administration des Maisons pour le spirituel & temporel, ny mesmes estre Fermiers, Procureurs, Agens: Ce sont les Ordonnances de nos Roys, qui ont veillé à la seureté publique, & notté d'un incapacité legitime, ceux qui sont sans adueu & nés hors le Royaume.

*Secundò*, L'army les Estrangers, les Sujets du Roy d'Espagne n'ont jamais peu obtenir ces graces, non seulement depuis la Guerre entre les deux Couronnes, mais encore auparavant n'y ayant aucun exemple & preiugé à l'advantage des impetrans, qui se veulent establir dans l'Ordre de Cluny, pour continuer les correspondances qu'ils ont en leur patrie & Prouinces ennemies de l'Estat.

*Tertiò*, Quand les Estrangers par leurs services meriteroient cette grace, & qu'ils fussent sujets d'autres Princes alliez du Roy, confederéz à ces Estats, elles ne peuvent estre jamais accordées au preiudice du droit d'un tiers opposant, & pendant les procez qui sont indecis pardevant les Cours Souueraines, qui doivent estre les Juges, de telles graces, quand elles choquent le droit d'autrui.

*Quartò*, Vn des principaux motifs des Lettres de naturalité, est la faueur que le Roy a voulu faire à la reforme de Cluny, de laquelle les impetrans portent l'habit, & disent en faire profession; neantmoins ils sont conuaincus, tant par leurs actions contraires à ladite Observance, que par leur propre tesmoignage escrit en leurs Lettres missiues; par lesquelles ils desaduoiuent non seulement ladite Observance, mais conspirent avec d'autres pour la destruire, d'où s'en suit que la cause de la grace du Roy cessant l'effet, qui est la naturalité des impetrans, lesdites Lettres doit cesser pareillement: Lesdites missiues sont produites sous cote F.

*Quintò*, Ne voi-on pas l'importance de ces Lettres, lesquelles feroient un preiugé pour vne quantité d'Espagnols qui viendroient en France, & vsurperoiént le gouvernement des principales Maisons Religieuses, pour ce rendre Maistres de l'esprit & des consciences de Sujets du Roy, & les Arrests du Parlement ne le permettent pas dar/s

1  
es Maisons des Mandians ; à plus forte raison dans celles de Cluny, qui consistent en Seigneuries dans les principales Villes de France.

*Sexto*, Pour le regard d'Albert Belin, peut-il se servir iamais de ces Lettres, sans faire iuger l'appel, comme d'abus, & se purger des crimes capitaux, dont il est preuenü ; Son habit le met-il à couuert de la contrauention aux Ordonnances Royaux, qui deffendent sous pre-texte de Chimie, de tenir des fourneaux cachés, sur peine de la vie: parce que dit l'Ordonnance, de la naissent les faux Monnoyeurs, & pretend il encore estre deschargé du crime de la fausse monnoye, ou de l'affinement & fabrication des metaux, puis que par le monitoire trouué dans sa chambre, datté du mois d'Aoust 1649. obtenu par le-dit Belin, il expose qu'un Religieux de Cluny l'a appellé faumonnoyeur, & dit qu'il en faisoit iournellement avec vn nommé Lorton, Receueur des Aydes à Neuers; c'est Albert mesme qui le dit, & depuis il n'a iamais ozé en faire les poursuites, crainte d'engager son grand amy & confident: Et les Lettres dudit Lorton avec le monitoire susdit, ne le rendent-il pas conuaincu dudit crime, puisque dans icelles il est parlé du debit, de la couleur, de la pesanteur & du prix? Dira-on apres cela que c'est chimie, que ce sont des eauës à rendre le tein frais; cela est il de la profession d'un Religieux de l'estroite Obseruance.

Albert neantmoins en prend la qualité, parce qu'il en porte l'habit: Et n'est-ce pas se moquer de Dieu & de la Religion, quand par les Lettres que luy & Sebastien du Chastel son compagnon, ont escrit au sieur Abbé, ils luy parlent du Chapitre de l'Obseruance de Cluny, comme d'un Chapitre de Croquans; car Albert mande le vingt-un Avril 1647. lors que les murs & couuertures des Refectoir, Cuisine & Bibliotheque, avec partie des Cloistre dudit saint Estienne tomberent, que sans un miracle du Ciel, les Croquans qui sont ceux de Cluny, auoient une partie de ce qu'ils demandoient, qui estoit sa perte, il les appelle en un autre endroit *Pretendus Reformez*; mais la Lettre plus recente sans datte, produite aussi au procez, parle plus clairement de sa legereté, ou plustost de son apostasie à un Ordre si celebre, en ces termes: *Pour l'Obseruance*, parlant de Cluny, *ie connois euidentement qu'elle s'en va perduë*: Le Reuerend Pere Dom Ioseph premier Visiteur, m'a aduoué qu'il les vouloit quitter, mais n'en faites rien paroistre: Le Reuerend Pere Meyeul, Prieur de Souuigny, est dans la mesme resolution, Le Prieur de Ferrieres, Le Prieur de Crosby, qui estoit le dit Alphonse son cousin, en veulent faire autant: Dom Charles, Dom Simpliciam & moy, auons desia renoncé, Dom Philippes Dei ne cherche qu'une porte pour sortir; Et faut-il apres cela verifier des Lettres de naturalité pour des traitres & ingrats, les recevoir & admettre pour François: peut-on douter qu'ils ne trahissent l'Estat, puis qu'il ne font point de difficulté de tromper leur Religion? Ne fera-il pas plus iuste de les mettre en un lieu de repos & de penitence pour y finir leurs iours, & empescher qu'ils ne troublent



les gens de bien en la fonction de leurs charges & obseruation de leurs vœux.

Mais comme vn crime toutainfi qu'un abyfme en attire l'autre, l'exercice prohibé de ces fourneaux les a-il difpenfés d'obferuer les ieufnes de l'eftrainte Obferuance, puis qu'il fe voit par leurs papiers iournaux produits au procez, qu'ils ont despensé pour vn foir à leur fouper, en perdrix, leuraux & becasses feize liures; c'efloit à l'arriué de leur pretendu naturalifé Vifiteur, fous-Prieur de la Charité: Il s'y trouue diuers articles pour foixante-vne liures de viande de boucherie en vn, & foixante liures en l'autre, des faullices, patez, codindes, langues de bœuf, employez pour leur despençe: Leur Appotiquaire aourny fuiuant les memoires aux fufdits Religieux du vif argent, mercure, antimoine, falpeftre, oranges, citrons, & autres choses qui ne font point ny de la pauureté ny de la profession Religieufe, & ne peuuent feruir dans vn Monastere qu'à mauuaife fin. Ainfi ces pretendus reformez abusans de leur profession & de leur qualité, font indignes des lettres de naturalité & grace du Prince.

Le fieur Abbé diffimule leurs autres desbauches publiques & particulieres, puis que la charité l'oblige à les taire. Il s'en remet du fuplus à la Iustice & à Monsieur le Procureur General du Roy, en ce qui regarde la vengeance publique & contrauention formelle aux Ordonnances Royaux, pour en pourfuiure la punition, se contentant de faire voir qu'il n'a pû empêcher les defordres fufdits arriuez dans son Prieuré de faint Estienne, parce qu'il estoit refidant en son Abbaye, ou employé ailleurs pour le seruice du Roy, & qu'il l'aignoré, & declare que.

Albert a fait assigner en reparation d'iniure ledit fieur Abbé, qui ne luy en a iamais dit, ny mefine parlé depuis le iour qu'il arriua de son Abbaye de Galliac à Neuers, à la fin de Nouembre dernier. Au contraire, tousiours tesnoigné vne affection de Prelat.

Albert a fuscité au fieur Abbé les accusations de Theophile Guillot, foy difant Procureur General de l'Ordre de Cluny, Le contraire est iustificié par ses propres missiues, procez verbaux & concordats produits au procez.

Albert a fait assigner la mere dudit fieur Abbé pardeuant l'Official de Neuers, pour luy payer dix Messes, restantes de l'anniuersaire du feu fieur Moulnoiry, pere dudit fieur Abbé, quoy qu'il ne les aye pas dictes: Le payement en a esté fait à du Chastel son Procureur, sa quittance le iustifie avec cinq sols pour l'exploict.

Albert a fait assigner au grand Conseil le fieur Abbé, pour le payement de la terre en laquelle est inhumé le corps de feu son pere, de laquelle le fils est seigneur temporel & spirituel: C'est vn manque de iugement & vne extrême auarice, ne luy en estant rien deu.

Albert a mis en proye l'honneur & le bien de son Abbé, par ses caues fortes, salpeftres & fourneaux, & s'est embarrassé avec vn

Receueur des Aydes en vn commerce vicieux. Ledit sieur Abbé luy  
souhaite de meilleurs employs selon sa profession

Il ne reste qu'un traitt de desespoir commis par Albert, à l'absolu-  
tion duquel le sieur Abbé ne peut consentir, encore qu'Albert ayé  
inutilement frappé son coup, qui est d'auoir desaduoué la iuste pour-  
suite que le sieur Abbé fait au Conseil du Roy & Parlement de Paris,  
depuis quatre ou cinq ans, tant en son nom, que de ses Religieux qui  
l'en ont prié par leur requeste, ou Albert a signé, pour retenir au do-  
maine ancien de son Eglise, la Justice du Bourg saint Estienne de  
Neuers, detenuë par Monsieur le Duc de Mantouë, de valeur de plus  
de cent mil liures, puis qu'il y a des Offices vacans pour vingt mil  
liures: Et Albert l'a desaduoué, veut que l'allienation subsiste, & que  
le domaine de l'Eglise se perde; sa passion ne deuoir pas s'estendre ius-  
ques sur les Autels & contre l'Eglise qui l'a nourry.

Qui croira qu'Albert, qui se dit Predicateur & Definiteur de l'Or-  
dre de Cluny, se soit si mal conduit enuers son bien-facteur & ses su-  
perieurs, si ce n'est par cette raison, que *nonnunquam incredibiliter pec-  
care ratio peccandi est.*

---

Imprimé à P A R I S, mil six cens cinquante,  
apres Pasques.